

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ
2024 ԹՎԱԿԱՆԻ ՀՈՒՆԻՍԻ 6-Ի N 834-Ն ՈՐՈՇՄԱՆ
ՄԵԶ ՓՈՓՈԽՈՒԹՅՈՒՆՆԵՐ ԵՎ ԼՐԱՑՈՒՄՆԵՐ
ԿԱՏԱՐԵԼՈՒ ՄԱՍԻՆ**

ՆԱԽԱԳԻԾ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ

ՈՐՈՇՈՒՄ

«__» _____ 2025թ. N __-Ն

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ 2024 ԹՎԱԿԱՆԻ ՀՈՒՆԻՍԻ
6-Ի N 834-Ն ՈՐՈՇՄԱՆ ՄԵԶ ՓՈՓՈԽՈՒԹՅՈՒՆՆԵՐ ԵՎ ԼՐԱՑՈՒՄՆԵՐ ԿԱՏԱՐԵԼՈՒ
ՄԱՍԻՆ

Ղեկավարվելով «Նորմատիվ իրավական ակտերի մասին» օրենքի 33-րդ և
34-րդ հոդվածներով՝ Հայաստանի Հանրապետության կառավարությունը
որոշում է.

1. Հայաստանի Հանրապետության կառավարության 2024 թվականի
հունիսի 6-ի «Վտանգավոր համարվող բեռների օդային փոխադրման
պայմանների և պահանջների կարգը, վտանգավոր բեռների
սպասարկման աշխատանքներն իրականացնող
կազմակերպություններին և վտանգավոր բեռների օդային
փոխադրումների սպասարկումն իրականացնող
կազմակերպություններին թույլտվություն տալու և վտանգավոր
բեռների փոխադրման նկատմամբ վերահսկողություն իրականացնելու
կարգը հաստատելու մասին» N 834-Ն որոշման հավելվածում կատարել
հետևյալ փոփոխությունները և լրացումները.

1) 22-րդ կետում «կողմից տրված թույլտվության հիման վրա» բառերը
փոխարինել «համաձայնության հիման վրա» բառով.

2) 23-րդ կետում «փոխադրումների թույլտվության համար» բառերը
փոխարինել «փոխադրումների համար լիազոր մարմնի համաձայնություն
ստանալու նպատակով» բառերով.

3) 28-րդ կետում «թույլտվության տրամադրման իրավասություն ունեցող
լիազոր մարմնի պաշտոնատար անձը համապատասխան ծանուցմամբ
հայտատուին է տրամադրում վտանգավոր բեռների օդային փոխադրումների
թույլտվությունը» բառերը փոխարինել «սույն կարգի համաձայն
համաձայնության տրամադրման իրավասություն ունեցող լիազոր մարմնի
պաշտոնատար անձը համապատասխան ծանուցմամբ հայտատուին է
տրամադրում վտանգավոր բեռների օդային փոխադրումների

համաձայնությունը» բառերով.

4) 29-րդ կետում «թույլտվության տրամադրման» բառերը փոխարինել «համաձայնության տրամադրման» բառերով.

5) 30-րդ կետում «տրված թույլտվություններով» բառը փոխարինել «տրամադրված համաձայնությունների հիման վրա» բառով.

6) 31-րդ կետում «վտանգավոր բեռների օդային փոխադրումների թույլտվությունը մերժվում է» բառերը փոխարինել «չի տրամադրվում վտանգավոր բեռների օդային փոխադրումների համաձայնություն» բառերով.

7) 33-րդ կետում «թույլտվության հայտը» բառերը փոխարինել «համաձայնության ստացման համար ներկայացված հայտը» բառերով.

8) 34-րդ կետում՝

ա. 4-րդ ենթակետում «:» կետադրական նշանը փոխարինել «.» կետադրական նշանով.

բ. լրացնել հետևյալ բովանդակությամբ՝ նոր 5-րդ ենթակետ.

«5) «Պետական տուրքի մասին» օրենքով սահմանված պետական տուրքի վճարման անդորրագիրը:».

9) 38-րդ կետում՝

ա. 6-րդ ենթակետում «:» կետադրական նշանը փոխարինել «.» կետադրական նշանով.

բ. լրացնել հետևյալ բովանդակությամբ՝ նոր 7-րդ ենթակետ.

«7) «Պետական տուրքի մասին» օրենքով սահմանված պետական տուրքի վճարման անդորրագիրը:».

10) 49-րդ կետում «կցվում են» բառից հետո լրացնել ««Պետական տուրքի մասին» օրենքով սահմանված պետական տուրքի վճարման անդորրագիրը, ինչպես նաև» բառերը:

2. Սույն որոշումն ուժի մեջ է մտնում պաշտոնական հրապարակմանը հաջորդող օրվանից և տարածվում է 2025 թվականի հունվարի 1-ից հետո ծագող (ծագած) հարաբերությունների վրա: